

甌鉢羅室書畫過目考

唐駝

歐鉢羅室書畫過目攷目錄卷二

鮑邱李玉茶韻湖編輯

魏喬介

法若真

宋琬

錢朝鼎

莊回生

方亨咸

尤侗

程汾

沈荃白

顧大申

孔尚任

笪重光

梅清庚

馮源濟

何元英

嚴沆

劉芳躅

王士正

陳廷敬

毛際可

張一鵠

姜梗

彭孫遜

米漢雯

宋犖至

陳奕禧

顏光敏

李因篤

王宏撰

毛奇齡

龐塏

王原祁

述縉鳳儀

高詠

閻若璩

汪楫

羅坤

胡天游

徐鉉

高層雲不審

倪燦

趙執信

袁佑

程鳴

高兆

龔翔麟

羅牧

蕭晨

顧靄吉

杜首昌

王樹穀

錢世徵

陳梓

李鐸

顧殷

許永

孫岳頌

劉阮

楊晉

唐俊

金學堅

宋駿業

榮林

胡堅

徐玟

陸道淮

陳元龍

徐用錫

佟毓秀

王著

榮

謝淞洲

周昉

高其佩

沈翼

禹之鼎

曹代

葉洮

沈宗敬

湯右曾

查昇

梁佩蘭

翁嵩年

鄭梁

戴思望

馬元馭

楊中訥

馮景夏

柳遇

姜宸英

嚴虞惇

汪士鏞

虞沅

汪繹

徐昂發

查慎行

嗣琛

萬經

何焯

陳邦彥

蔣廷錫

溥洲

黃鼎

張照

李 鐸

王世琛

王圖炳

林佶

朱倫瀚

孝純

王 澍

鄒元斗

王 昱

三錫

孫 阜

華 鯤

溫 儀

吳振武

趙 曉

金永熙

曹培源

王敬銘

李為憲

唐 城

唐 岱

方士庶

徐 溶

張 棟

細莖

劉 淇

李世倬

朱文震

陳 撰

繆曰藻

汪應銓

羅存理

勵宗萬

盧見曾

錢陳羣

界

謝道承

李豫德

郎世甯

焦秉貞

冷枚

金廷標

徐揚

余省

莽鵠立

華岳

沈閔

張宗蒼

魏成

金農

童鈺

張洽

徐貞木

吳璠

方琮

沈鳳

沈銓

邊壽民

薛懷

李方膺

黃慎

羅絢

曹曰瑛

金甌

葛泳

沈廷芳

鄔希文

馬日琯

日璐

周京

張僧乙

鮑楷

邱廷溶

屠璣

傅雯

蔣衡

驥和

李宗植

戴大有

袁濤

王玖

椿周

姚宏度

袁鉞

沛

王鳴韶

王廷元

于振

戴瀚

周長發

諸錦

王峻

汪由敦

劉統勲

杭世駿

汪士鋐

陳士璠

朱荃

趙昱信

吳騏

彭啟豐

鄒一桂

張鵬翀

趙丕承

汪惟憲

方觀承

梁文泓

虞潢

管希甯

方貞觀

高鳳翰

稽璜

梁詩正

陳兆崙

英廉

秀崐

卞永譽

井玉樹

羅辰

張若靄

若澄

羅源漢

董邦達

西密揚阿

夏之蓉

繆頌

王愔

吳博庵

何其仁

華冠胥

嚴鉅

張翀

甌鉢羅室書畫過目攷卷二

鮑邱李玉棻韻湖編輯

魏裔介字石生又字崑林號貞庵直隸柏鄉人順治丙戌進士官大學士
謚文毅清朝大典多其奏定書法謹嚴著約言錄知統錄資塵新聞崑
林小品兼濟堂諸集王信甫比部藏有綾本自寫誥封楷書長卷

法若真字漢儒號黃山一號黃石山東膠州人順治丙戌進士薦鴻博官
安徽布政使畫仿宋元深得天趣書法晉魏而有士氣著黃山詩留家
西園主人藏有行書金粟牋立幀純摹鍾王有鸞停鶴峙之勢又墨山
水便面清超俊爽風趣油然又行楷詩牋尺牘五紙合卷黃易跋五行
李梅卿比部藏有墨筆雲山紙本大幀七律一首無款字有印章下鈐
孫男輝祖珍藏印

宋琬字玉叔號荔裳一號漫人山東萊陽人順治丁亥進士官四川按察

使詩入韓杜之室書得義獻之意著安雅堂集王竹吾中翰藏有行草立幀縱橫逸雅丰骨多姿

錢朝鼎字禹九號黍谷江蘇常熟人順治丁亥進士官太常寺卿花木竹蘭取法漢陽太守著三滿樓集張子和比部藏有松風圖大幀題七律一首天瓶老人步韻左方字較原題畧大

莊同生字玉驄號淡庵江蘇武進人順治丁亥翰林官侍讀工山水兼畫馬世祖幸宏文院見其畫大悅令圖駿馬以進撤御前金碗及衣二襲賜之著淡庵居士集心泉上人藏有墨竹蘭立幀文人餘技自無甜熟習耳

方亨咸字吉儒號邵邨安徽桐城人順治丁亥進士官御史工詩文小楷精山水與程正揆顧大申特稱鼎足李梅卿比部藏有墨山水小卷長約五尺博大沉雄力追古法置之東原完庵間莫辨媿妍也徐乾學行

書跋六行有阮元眼福印

尤侗字同人一字展成號悔庵又號艮齋晚號西堂老人江蘇長洲人順治戊子拔貢生薦鴻博授檢討官侍讀書有天趣著鶴棲堂集西堂全集所作雜俎傳入禁中世祖稱為真才子仁聖呼為老名士天下羨其榮遇孫小山分轉藏有自書小曲殘冊四葉邊隙馬日琯跋定為真筆程芳字箕山號岸舫順天宛平人順治己丑進士官江西廣信知府工山水宛大山明府藏有設色山水大冊直逼沈周

沈荃字貞蕤號位菴一號繹堂又號充齋江蘇亭人順治壬辰探花官禮部侍郎諡文恪工書著南帆詠充齋集家西園主人藏有行書杜詩秋興八首卷得香光意弟白字濤思號賁園一號天庸子以布衣終王信甫比部藏有行楷梅花詩卷用筆疎放亦合香光妙諦

顧大申原名鏞字震雉號見山江蘇華亭人順治壬辰進士官僉事山水

宗巨師著堪齋詩集鶴巢樂府卓岷原比部藏有墨山水小卷兼思白
長蘅風悼約足謂吉光片羽也

孔尚任字季重號東塘一號岸舫又號雲亭山人山東曲阜人 至聖裔
官戶部員外郎工詞翰著湖海樓集桃花扇傳奇小忽雷傳奇家西園
主人藏有行楷尺牘三通秀潤近趙董

笈重光字在辛號江上外史又號鬱岡掃葉道人江蘇句容人順治壬辰
進士官御史書法蘇米工山水蘭竹王翬惲恪常主其家相與討論遂
得兩家神解著書筏畫筌余藏有洞天拳石圖立幀高情逸趣橫溢毫
端潘偉如中丞目為仙品即以贈別吳子復太守藏有臨蘇米卷筆意
兼誠懸又墨蘭立幀款署舟過袁浦待發客有以鄭所南真本出觀雨
觸船窗不寐翦燈臨此愧無皮相若云紙澀是自諉也壬子夏日並記
梅清字淵公一字遠公號瞿山安徽宣城人順治甲午舉人書宗楊景度

山水極雲煙變幻畫松多奇氣得自黃山勝景余藏有宣城廿四景大
畫冊為生平精作心泉上人藏有黃山雲海圖大幀左方長題右方陳
奕禧題弟庚子耦耕一字耦長號子長又號雪坪晚號聽山翁康熙辛
酉舉人工隸書吳澧緣太守藏有臨曹全碑冊二公皆夙學之士兄弟
多以詩名著天逸集五言遊草吳市吟山陽笛漫興集江左輯梅氏詩
畧百有八人

馮源濟字胎仙順天涿州人馮銓子順治乙未翰林書法南宮畫宗北苑
世篤收藏家泐快雲堂法帖稱涿榻本清初移石入閩稱建榻後貢內
府有高聖御跋遂稱內榻余藏有綾本行書七律四首立幀款署子綸
道丈假歸臨別贈言依韻和畬云云吳子復太守藏有青綠仿北苑雲
山立幀屢欲乞歸未允不審何時能再結一重畫緣否

何元英字蕤音浙江秀水人順治乙未進士官參議工書古肆見有行楷

詩金牋大冊筆意近香光

嚴沆字子餐號顥亭浙江餘姚人順治乙未進士官倉場侍郎工山水著古秋堂集古肆見有淡着色仿梅道人寒江夜泊圖綾本立幀惜霉污處多

劉芳躅字鍾宛號增美順天宛平人餘裕子順治乙未進士官山東巡撫書法晉人朱厚田茂才藏有寸楷綾本大冊首七葉書杜老秋興八首後五葉書唐人五律詩筆意近魯公

王士正原名士禎字貽上號阮亭自號漁洋山人山東新城人順治乙未進士官刑部尚書補諡文簡詩為一代宗匠兼工詞曲稱王桐花著帶經經堂集漁洋三十六種家西園主人藏有行書詩箋尺牘五紙合卷陸恭陳鴻壽兩跋

陳廷敬字子端號說巖山西澤州人順治戊戌進士官大學士諡文貞詩

文與汪鈍翁王阮亭相鏤屬書法二王著午亭文編楊少初太守藏有
小行楷五七律綾本冊十葉款署評士

毛際可字會侯號鶴舫浙江遂安人順治戊戌進士薦鴻博工畫著會侯
文鈔陶曼生太守藏有綾本設色山水大幀款署一峰

張一鶴字友鴻號忍齋又號釣灘逸人江蘇金山人漁洋推重之順治戊
戌進士官雲南知縣山水宗元人工詩著河存草塾廬三集吳子復太
守藏有墨山水紙本立幀用披麻折帶皴極渾厚近樹不多明秀豁目
世傳其畫甚罕聞以重貲得之

姜梗字鐵夫號桐柏浙江會稽人以布衣名重公卿工詩翰著曹山草堂
飯犢居等集所交皆知名士酬唱自娛唐笛舫上舍藏有小行書詩箋
數通合卷筆意雅逸童鈺袁枚周京方薰四跋

彭孫遹字駿孫號羨門浙江海鹽人期生子順治己亥進士薦鴻博廷試

第一授編修官吏部侍郎工詞翰著松桂堂集南淮集延露詞陳詩庭孝廉藏有香光畫卷有其行書題詞兩闕余藏有小行楷綾本冊七葉挺秀有丰致

米漢雯字紫來號秀岳順天宛平人萬鍾子順治辛丑進士薦鴻博官侍讀書畫皆宗南宮有老顛再世之稱著始存集景劍泉閣學藏有淡設色仿房山山水小卷行書七絕一首清疎朗潤迥隔紅塵十丈矣屠倬跋七行

宋犖字牧仲號漫堂又號西陂放鴨翁河南商丘人宋權子官吏部尚書工書畫精鑑定著小滄浪志楓香詞西陂類稿綿津山人詩集吳子復太守藏有墨梅立幀一花一蕊自饒清趣王翬題七絕一首子至字山言康熙癸未翰林授編修著緯蕭草堂詩袁子文上舍藏有五行行書立幀闕成叔儀部藏有王翬為宋牧仲畫煙江疊嶂堂圖卷有父子合

韻詩皆出山言行楷書

陳奕禧字子文一字六謙號香泉晚號葑叟浙江海甯人貢生官江西南安知府書法虞褚內府為刻夢墨樓帖于準為刻予甯堂帖著金石文錄春靄堂集皋蘭載筆益州于役記余家藏有綾本行書赤壁賦全文大屏十二幀法褚登善有龍跳虎卧之勢周小崇宗丞藏有臨褚顏米趙董五家紙本長卷內小楷書樂志論七行尤精絕可愛又小楷宮詞七絕二十四首絹本冊款署漫堂中丞並識語五行王蓮西通副藏有臨王聖教序全文紙本小卷即余所贈也

顏光敏字遜甫號修來又號樂園山東曲阜人復聖裔康熙丁未進士官吏部員外郎博雅能文書法承旨著樂園詩集家有未信堂藏故人尺牘甚夥其後人名曰顏氏家藏尺牘運生孝廉屬桂馥詮次裝冊以徵題跋厥後貧不能守其精者歸陶鳧鄉宗伯余與陶氏姻婭丙寅歲尚

得縱觀詩冊中存樂圖自書十一通筆法腴潤近蔡君謨世傳其書甚罕不勝眼福之幸迄今陶亦式微猶能珍襲勿墜不無為宗伯喜而更為孝廉惜夫

李因篤字子德一字孔德號天生陝西富平人薦鴻博授檢討深於經學詩逼少陵著古今韵攷受祺堂詩文集家西園主人藏有行楷尺牘三通所辨秦中碑版極有依據瑛蘭坡中丞藏有行書便面用筆禿率意近平原蓋隨手塗成耳

王宏撰字文修號無異又號山史陝西華陰人薦鴻博不就試書法平原精金石易理與李因篤稱關中兩家撰易圖象述砥齋集陳冠生殿撰藏有行楷小冊學顏書不露氣習全由金石中得來增芝田觀察藏有綾本行書立幀意兼襄陽

毛奇齡原名銍字大可號西河一號河右秋晴晚晴僧閑皆自號也浙江